

易

學

易學卷七

䷮ 坎下
兌上

困亨貞大人吉无咎有言不信

彖曰困剛揜也險以說困而不失其所亨

予乎貞大人吉以剛中也
有言不信尚口乃窮也
以最上之乾陽而幽繫於坤陰之中是則坎水下囚而爲困以最下之乾陽而浮溢於坤陰之中是則坎水上行而爲井剛揜者九二之見掩也猶有說焉故能亨大人者九五也能貞於大人則吉以二之具有剛中故也兌爲口故象言

所以困我者皆此論論訛訛耳安可據以爲
信我亦安可尚口以祈人之見信乎愈言則愈
窮耳非處困之道也

象曰澤无水困君子以致命遂志

水下漏澤上枯安得不困人所以爲困縛者惜
一死耳視死如歸復何患焉致命猶言授命授
命則可以任天下之綱常成天下之事業夫困
固當亨也而必以亨爲懷亦甚妨宜有達天知
命之學與成仁取義之道

初六臀困于株木入于幽谷三歲不覿象曰入于

幽谷幽不明也

欲揜二之剛而反不免也。株木幽谷皆坎墮陰下之象。

九二困于酒食未紱方來利用亨祀征凶无咎象曰困于酒食中有慶也。紱音弗亨享固

易之稱酒食惟陷於坎者有矣。需之九五居尊位而猶在險則托此以需。困之九二居下位而正在險則溺此以困。凡小人之困君子也力能制則刀鋸加焉上與初合而困九五者是已。力不能制必以飲食男女之欲壞其心初與三合

而困九二者是已。然猶以說爲險，故困之以酒食。二具有剛中之德，而又應同德之主，行見有朱紱之慶，朱紱命服五之所以爵二者也。二當如之何事會之來不可知，當爲其自我者而聽其自天者若亨祀，然致吾誠而已。神之至與不至，福之錫與不錫，惟其自至，故曰利用亨祀而征行則凶，要之於理必无咎矣。

六三困于石，據于蒺藜，入于其宮，不見其妻凶象。曰：據于蒺藜，乘剛也；入于其宮，不見其妻，不祥也。六三與二陰共掩九二者也。二石也，惡可以犯。

二陰蒞藜也惡可以據卒之名辱身危而妻不可見夫所爲爲不善者恃其黨耳一敗之後黨安在哉上爲三之宮而以六見六則非妻也

九四來徐徐困于金車吝有終象曰來徐徐志在下也雖不當位有與也

四與二本同乾體而稱與者也但四比三而應初又不當位故二之金車徐徐乎來而吾亦困於推輓之艱吝可知矣知吝而善爲之有終矣九五劓則困于赤紱乃徐有說利用祭祀象曰劓則志未得也乃徐有說以中直也利用祭祀受福

也說音

五當困時而有上六之剿我也初六之剛我也
獨九二吾應而為六三所間則赤紱之徵又困
矣然有中正之德而患不濟乎徐之必有說焉
利用祭祀意與九二同亨祀人臣所以祀宗廟
祭祀天子所以禮百神君臣異詞也赤紱正也
朱紱嚴之也其為下受上之辭一也困之時三
陽皆有徐意亨祀祭祀亦皆此意象曰受福則
信其有必至矣

上六困于葛藟于臲臲曰動悔有悔征吉

藟力軌
反臲五

結反碗
五骨反

阱人者已寧无阱乎哉柔而牽已者葛藟初與
三是也固喪敗之凶也剛而難乘者艱硯二與
四與五是也豈肯爲我掩乎慾而犯剛動皆成
悔悔尚可也因悔而悔可以得吉

象曰困于葛藟未當也動悔有悔吉行也

上六出乎人事之外而有不可以理推者故曰
未當

䷮ 巽下
坎上

井改邑不改井无喪无得往来井井汔至亦未繙

井羸其瓶凶

喪去聲羸沈許訖反
續音橘羸律悲反

井者穴地出水之處也巽乎水而上水言以巽
稱而隱之道入於水下而上出其水始而相度
繼而鑿浚莫不因地之利用人之謀而奪天之
巧以成濟養之功也故邑可改而井不可改既
无所改則彼亦无喪此亦无得而往者來者皆
得以井其井居其所而遷也井井者若汲取幾
至未盡綆而敗其瓶何利之有亦宜巽乎水而
上水可也

彖曰巽乎水而上水井井養而不窮也改邑不改

井乃以剛中也汔至亦未繙井未有功也羸其瓶是以凶也

剛中謂二五

象曰木上有水井君子以勞民勸相勞相皆去聲

水在下循木而上行有井汲之象非謂用木以

汲也彖固言瓶矣亦非以木爲井也爻固言甃

矣勞徠其民使之勸勉相助然後井養而不窮

初六井泥不食舊井无禽象曰井泥不食下也舊

井无禽時舍也泥去聲舍音捨

井以陽剛爲泉上出爲功初六以陰居下故於

井爲泥爲舊泥則人莫之食舊則禽莫之顧也
久不潔滌爲井泥

九二井谷射鮒甕敝漏象自井谷射鮒无與也射
亦反鮒音附

二有泉矣顧其泉旁出爲谷而下注於鮒又其
汲者操甕甕以來所出幾何下比於初注鮒也
上无正應甕漏也故曰无與也

九三井渫不食爲我心恻可用汲王明並受其福
象曰井渫不食行恻也求王明受福也

渫音洩

不停汙曰渫治也去汙穢之名旣渫之井至潔

矣而不爲人所食使行道之人爲我心惻非井之尤也可用汲矣汲者其王必明非獨井之遭亦往者來者之遭也並受其福矣以陽居陽在下之上故期之如此

六四井甃无咎象曰井甃无咎修井也

甃惻舊反

四上出矣而非陽剛无及物之功故曰甃甃者修埽治井所以禦惡而潔之也

九五井冽寒泉食象曰寒泉之食中正也

冽音烈

冽甘潔也井深則泉寒有美而不竭之意焉陽剛中正故爲此象食則上出之功論重於中正

之德也

上六井收勿幕有孚元吉象曰元吉在上大成也
收鹿盧收繻者也幕蔽覆也有孚謂資之深而
不窮也井以上出爲功而坎口不揜上六雖非
陽剛而有九五爲之泉故曰有孚元吉

三三

離下
兌上

革已日乃孚元亨利貞悔亡

已舊讀如以謂必已革也日而乃能孚於人所
謂非常之原黎民懼焉及臻厥成天下宴如也
愚謂爲戊己之巳金曰從革於干爲庚兌之行

也遇離而革先庚一日為已居火與金之間當其時矣於是而敷信於人加之以元以貞亨且利而无悔也聖人於他事必責重於人而於革乃責重於時非其時也人事安施

彖曰革水火相息二女同居其志不相得曰革已日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉

說音悅當去聲

李氏曰不可犯者聖人之常不可回者天人之變極吾之常遇彼之變適然契乎此心者理之

融也聖人以天心所嚮爲從違以人心所屬爲去就而以吾心之至理爲的準不忍斯民擠於不可救藥而寧自冒其不可測知之勢德少慙乎吾身將大安乎天下樂未善乎一時將大聲乎後世君臣之分森乎千四百年之餘天人之際清乎六十七王之久槩之心融之理孰知自素契於順應之先哉如其喜事僥覲妄意更張一之不成亂危已繼而聖人本心始不表襮於千古作易者懼之故以革之大者著之彖聖人之杜其漸如此愚謂聖人舉事无一不與天人

通也堯舜之禪禹之繼皆薦之於天而天受之
暴之於民而民受之莫之爲而爲莫之致而致
也寧獨湯武哉特以湯武之革尤駭人觀故於
此言之也

象曰澤中有火革君子以治歷明時

歷用同

易於革而言治曆明時惟曆當隨時考驗而合
天者也楊泉曰神農始治農功正節氣審寒溫
以爲早晚之期故立曆日書曰欽若昊天曆象
日月星辰敬授人時在璿璣玉衡以齊七政杜
預曰治曆者當順天以求合非爲合以驗天蓋

天下之法。後世盡疎於古。而獨曆能密於古。元
郭守敬授時曆是已。古曆用積年日法。而天運
不齊。差常在毫秒之間。不百年皆不合。授時不
用積年日法。而一以考測為主。日分一萬分爲
百秒。謹候二至遠近晷影而酌其中。以冬至日
時分秒爲氣應。以冬至距朔之日爲閏應。以歲
實加氣應。即來歲之冬至也。以歲實加閏應。滿
朔實去之。即來歲之閏餘也。上推徃古。每百年
長一不驗。將來每百年消一密。而備簡而明。則
順天求合而已。周天三百六十有五四分之一。

略言也。夫運常有餘而歲運常不足。測景驗氣
減周歲爲三百六十五日二十四分二十五秒。
加周天爲三百六十五度二十五分七十五秒。
強弱相減。差一分五十秒。積六十六年有奇而
退一度。定爲歲差。歲差立而七政之躔度明矣。
求日月交食。莫如朔望。日行一度。月行十三度。
有奇。言平行也。二十九日有奇而會。言經朔也。
然日陽精也。行南陸則盈。行北陸則縮。月陰精
也。行近日則疾。行遠日則遲。而古者用經朔月。
一大一小。故有失閏而食於非朔望之日。授時

不然以辰集時刻所在定朔朔定而食期始不爽天運益可驗行之至今不廢云此隨時考驗之所以不可已也。

初九輦用黃牛之革象曰輦用黃牛不可以有爲也。

朱子曰雖當輦時居初无應未可有爲故爲此象。輦固也黃中色牛順物革所以固物亦取卦名而義不同也其占爲當堅確固守不可以有爲聖人之於變革其謹如此。

六二已日乃革之征吉无咎象曰已日革之行有

嘉也

一爻爲一日過離二日爲已日之象初无位二有位矣初无應二有應矣柔順中正而文明又有德矣有德有位而有應可革之時也而然後革之寧詳緩无遽急如是則往吉而无咎聖人謹重之意可見矣卦曰已日乃孚爻曰已日乃革之意不甚遠乎所以革也

九三征凶貞厲革言三就有孚象曰革言三就又何之矣

革難乎當也初不及故勉以輦三已審矣而太

剛也疑於妄行不中也又恐膠於貞而不通故以征凶貞厲爲戒夫舉大事而有不犯凶厲者乎妄行必凶而不妄亦不免於厲慎之哉必也議革而至於三就不妄矣不膠矣有孚於衆矣又何之而不革許之也父爲口故象言第三爻故象三就革言三就如洪範謀及乃心謀及卿士謀及庶人謀及卜筮之意

九四悔亡有孚改命吉象曰改命之吉信志也

程子曰九四革之盛也陽剛革之才也離下體而進上體革之時也居水火之際革之勢也得

近君之位革之任也下无係應革之志也以九
居四剛柔相濟革之用也四既具此可謂革之
時也事可悔而後革之革之而當其悔乃亡也
革之既當唯在處之以至誠故有孚則改命吉
改命改爲也謂革之也既事當而弊革行之以
誠上信而下順其吉可知四非中正而至善何
也曰唯其處柔也故剛而不過近而不逼順承
中正之君乃中正人也

九五大人虎變未占有孚象曰大人虎變其文炳
也

朱子曰虎大人之象變謂希革而毛毯也在大
人則自新新民之極順天應人之時也九五以
陽剛中正爲革之主故有此象占而得此則有
此應然亦必自其未占之時人已信其如此乃
足以當之耳愚嘗有言曰禮有定而易无定聖
人不寓教於一定之禮而寓教於无定之易何
以立人極哉易之爲教寓有定於无定者也吉
凶之數對峙而立循環而來至无定也如以吉
凶立教而已則若探鉤鑽瓦必有修而凶悖而
吉者而易不然也寄吉凶於上下六畫之中六

畫定則彙倫昭而時位定符與不符其分已久
符者無論已不符者或處卑地而得尊爻弗敢
居也或履違事而得善爻弗能居也或秉弱資
而得強爻弗可居也故穆姜知己之无隨而子
服伯子策南蒯之將敗彼二人者得凶固凶得
吉亦凶不能反而吉然則易之為教實制於禮
而未始无預定者也未占有孚聖人為世之借
湯武為口實者防易之通例也

上六君子豹變小人革面征凶居貞吉象曰君子
豹變其文蔚也小人革面順以從君也

蔚音蔚

革道已成。君子豹變，文章蔚然。其小人革面而從君矣。夫以下愚不移而能革其面，亦可以止而勿求矣。求之已甚，此入苙而招也。故征凶而居貞吉。蓋敝之始也。患乎難革，革之就也。患乎難守，守成以文治之經也。居貞者，善治之，非不治也。虎大而豹小，虎有文而能神，豹有文而不能神。故大人爲虎，君子爲豹。嘗謂革之六爻，周室之事具矣。於三分有二，以服事殷而見固志焉。於泰誓二篇而見已日之革與三就之孚焉。於牧誓而見改命焉。於武成而見虎變焉。未占

有孚故稱順應之師然取天下不易而安天下
尤難則豹變之爻所以係也夫以商亡之後微
箕皆革而殷人士之心不革大誥康誥酒誥梓
材召誥洛誥多士多方八篇大抵皆爲是作至
於康主三紀之餘猶惓惓稱道洽政治一語豈
顧以力征哉征凶居貞吉聖人之戒不亦宜乎
抑非獨衰世然也禹曰苗頑弗即工帝其念哉
帝曰臯陶祗厥敘方施象刑惟明然則始未嘗
不威苗以刑而頑如故則咨禹徂征又如故則
益贊禹班師而帝乃敷文德舞干羽七旬而始

格之夫干羽何以愈於兵刑哉帝之搏苗猶搏
孤豚耳而猶與之並生夫然後苗知其侮慢自
賢之爲非而如天好生之爲大安得不心服也
夫舜禹之難如此而况商周乎蓋善人百年而
去殺王者必世而後仁習染深者固難移純用
德者效必緩必遲久之而後老者死壯者者少
者安於吾之教始可以革其心其君子素閑於
禮義可以禮義移而小人冥頑不靈猶之豹可
變狸不可變也故征凶之戒居貞之訓周公自
以其所以治殷者著之於爻爾雖然天下之變

多矣前代之于改革每因舊爲新自秦一大變而遂大受其敝矣若我明興○高皇帝取天下類網敗俗犯深怨極忌而一緒正之爰自宮闈達于華戎咸軌於肅而无幾微牽係之累雖斬刈不少而夷風盡革大勇智所成就安可與拘牽尺寸者道哉然則居貞之吉豹變之事豈所以盡虎變之情乎亦存乎其人與其時焉耳

三三

巽上
離下

鼎元吉亨

吉字
衍

彖曰鼎象也以木巽火亨飪也聖人亨以享上帝

而大亨以養聖賢養而耳目聰明柔進而上行得

中而應乎剛是以元亨

亨鉉貞以大亨之
亨皆音亨上上聲

子夏傳云初分趾也次實腹也中虛耳也上剛
鉉也故曰鼎象也朱子曰亨帝貴誠用猜而已
養賢則饗殮牢禮當極其盛故曰大亨

象曰木上有火鼎君子以正位凝命

革以改命至鼎凝之不正何以凝

初六鼎顛趾利出否得妾以其子无咎象曰鼎顛

趾未悖也利出否以從貴也

出尺遂反
否音鄙

鼎三足今兩則折且顛矣非利也然當鼎之初

未嘗受實之時而因顛以去其舊惡未爲不可
何悖之有此以其應四取義也又譬之得妾而
因得其子以賤致貴抑又利焉此又以其比二
取義也

九二鼎有實我仇有疾不我能即吉象曰鼎有實
慎所之也我仇有疾終无尤也

怨耦曰仇非善匹也謂初也二與五爲正應而
以初爲妾剛能制義我仇雖疾而不能我即故
吉即則其凶有甚於四矣即就也陽爲實二三
四皆有實者而二以得五制初爲功三以未得

五爲塞四以比初致凶夫初六之不利於人如此而彼其爻聖人未嘗言不利何也蓋用之爲妾何不可自此而往不可

九三鼎耳革其行塞雉膏不食方雨虧悔終吉象

曰鼎耳革失其義也

塞悉則反

耳五象雉文明之物離象雉膏三所承之實也三欲上通於五而非其應失其君臣之義故五之耳爲三革矣夫耳者鼎之所以行也革則莫我援而不可行雖有實如雉膏之美能見食乎頭天下寧有賢如九三而長貧賤者乎吾知陰

陽將交暢而為兩悔可虧吉可終矣

九四鼎折足覆公餗其形渥凶象曰覆公餗信如

何也

折之舌反
餗送鹿反

餗鼎實也下應乎初初趾方顛則覆其實矣形渥赧汗之義不副其先資之言故曰信如何此大臣之所任者誤大臣而大臣自誤也

九五鼎黃耳金鉉利貞象曰鼎黃耳中以為實也

鉉玄
典反

在鼎之上受鉉以舉鼎者耳也六五之象也在鼎之外貫耳以舉鼎者鉉也上九之象也二三

四皆鼎實也然必五與上相得而後能有是實
必五有是中德而後能受鉉以有是實故曰中
以為實

上九鼎玉鉉大吉无不利象曰玉鉉在上剛柔節
也

剛而溫者玉也上九以陽居陰者也金鉉可烹
而玉鉉不可烹為重而已與為實者異上出乎
人位之外者也

䷲ 震下
䷲ 震上

震亨震來虩虩笑言啞啞震驚百里不喪匕鬯
許

逆反昭鳥客反
喪去聲下同

震之大莫若雷聲聞百里大雷也惟心懷至敬
而有事於大獻享者能无懼而不失其所執然
不易得矣其惟長子乎七棘木爲之取赤心之
義長三尺面刊柄與未祭祀烹牢於鑊實諸鼎
而加焉薦則舉焉以七出之升於俎

彖曰震亨震來虩虩恐致福也笑言啞啞後有則
也震驚百里驚遠而懼邇也出可以守宗廟社稷
以爲祭主也

震雷驚百里而祭者不失其七也敬有所甚焉

而懼有所忘也推此心也臨九初之端而不危
搏虎豹御龍虬趯然躍於其不戒之側而不懼
故可以當大任而不疑又非暴虎馮河者儔以
剛大配道義者也此所謂聖賢之大勇張子曰
震卦以君出子在而言故曰出可以守宗廟社
稷以為祭主

象曰洊雷震君子以恐懼修省

洊在
為反

初九震來虩虩後笑言啞啞吉象曰震來虩虩恐
致福也笑言啞啞後有則也

成震之主處震之初故其辭與彖同屯之初亦

震主也而其辭亦與彖同

六二震來厲億喪貝躋于九陵勿逐七日得象曰
震來厲乘剛也

初九震來主也以其威動而上奮誰能禦之而况
二之柔乎大喪其貝至躋於九陵以避之矣夫
震之時不喪七鬯者稱焉而此乃大喪其貝
遯人**遯**可謂**遯**易无能之甚然居中得正是善
禦禍之道也雖棄去弗顧而行與吉會不用追
索而七日可得時過而復此其常也十萬曰億
億喪者大喪之義九陵逃於九四之上而就於

五之象也七日得之文震與既濟皆於六二見之蓋自二而上又自上而二其數七也

六三震蘇蘇震行无咎象曰震蘇蘇位不當也

蘇蘇神散精喪之狀三柔不中正居常不自持而况震之時然居初猶遠无為避也行可矣顧庸人不知時義強作鮮事而一无所忌則寇又其所自招如以震心而行何青之有

九四震遂泥象曰震遂泥未光也

泥去聲

初與四皆震主也而初能震者以其氣銳且在二陰之下而又有四為之遙待也四則不然時

過則銳奪在四陰之間則障深四能為初待而
初不能為四待則援盡其震遂泥溺而不能自
舉矣豈復光亨乎哉遂者无反之意

六五震往來厲億无喪有事象曰震往來厲危行
也其事在中大无喪也

二乘初剛之銳故曰震來厲五乘四剛之泥其
震或往或來而不能銳故二大有喪而五大无
喪二勿逐以聽其自得而五則告以有事蓋位
也時也勢也皆與二不同且其中又足以運也
也

上六震索索視矍矍征凶震不于其躬于其鄰无咎婚媾有言象曰震索索中未得也雖凶无咎畏鄰戒也

索索落阪
矍俱統死

索索矍矍則神氣銷殞而顧瞻徊徨視蘇蘇為尤甚震極而不自存矣未就五耳若下就於五而震動之戒先于其鄰不待于其躬則无咎矣夫于其鄰必藉婚媾之力焉有用其力而能已於其言乎固君子所當順受而勿之有衡可也

三三
艮上
艮下

艮其背不獲其身行其庭不見其人无咎

晁曰艮止也時止則止時行則行動靜不失其時其道光明艮其止止其所也上下敵應不相與也是以不獲其身行其庭不見其人无咎也

背者心之後邪也靜止之極者更无復心心去而背獨存則止其背而已既空其心則空其身既空其身則空其人故居其室不獲其身行其庭不見其人空空之極也夫思曰睿睿作聖聖人之學以无思成其思而通天下之思无取於徒空也斯人之爲艮也如是與時行時止者異矣聖人時止則止止非我也時也時行則行行

非我也時也身有行而心常止明為光體光為
明用此聖人所謂止也如而夫者止而止也竟
无行矣故內不獲其身也上下敵應而无往來
之與故外不見其人也虛无寂滅之止而不
可以治天下國家也僅无咎而已或言釋氏亦
以斷滅為邪見了了常知為正果真空之中妙
有出焉與前義正符愚以為釋本談空其所以
起教者為生死一大事因緣而起則惟空之不
得而所謂了了常知者知此空耳語雖兼乎妙
有意實專於空空也吾道以其身公於天下不

為生死起教所謂知者知空而已哉而所謂空者空空而已哉是可以得吾止彼止之辨蘇子曰所貴於聖人者非貴其靜而不交於物貴其與物皆入於吉凶之域而不亂也故夫艮聖人將有所施之民止也止與靜相近而不同方其動而止之則靜之始也方其靜而止之則動之先也故曰時止則止時行則行動靜不失其時其道光明此言艮之得其所施者也施之於天下之至動是以為順施之於天下之至健是以為大畜今夫蕪山艮是施之於背而已背固已

止矣。良何以加焉。所以爲柅者爲輔也。所以爲防者爲水也。今也不然。爲輿爲柅爲山爲防。不亦近於固歟。故曰。良其止止其所也。此所以不獲其身也。上下敵應不相與也。此所以行其庭不見其人也。物止各於其所。是果能止也哉。背止於身。身與之動而背不知也。今我施止於物之所止。有太於是物者。則挾而與之趨矣。我焉得知之。故曰。良其背不獲其身。其庭未嘗无人也。有其人焉。敵應而不相與。則如无人。是道也。非向之所謂光明者也。以爲无咎而已。右子瞻

之說云爾愚有取焉蓋聖門之所謂止者與二氏異二氏之止息緣斷際之謂也聖門之止止於至善所以應緣而非息緣所以善際而非斷際未嘗有身未嘗不獲其身未嘗有人未嘗不見其人非貴止貴其止於至善也若二氏則一切止而已艮已止矣而又艮其背此非一切止乎三代而上必已有是說而聖人非之故於咸曰咸其脢於艮曰艮其背而咸脢止於无悔艮背止於无咎斯見其不足之意矣易以變化爲宗而聖人所貴擬議以成其變化也如以止而

已也。未之難矣。凡重卦皆上下敵應而獨於艮發之何也。諸天地水火風雷澤之類皆有流動。因仍之勢。尚非敵比。惟重山交抗而不相下。故曰敵應。

象曰：兼山艮。君子以思不出其位。

人心最危而不知止。聖人教以思不出其位。止妄思也。魯論以爲曾子之言。曾子之學篤實而近裏深有味於此矣。夫思將以行之也。於位无當。安取於思。雖探幽索遠。乃學者事。而總須歸於切近。若事不着已。理不靠實。而徒揣摩彷彿。

於意象影響之間是烏稱思何也出其位故也
譬如行遠必自邇譬如登高必自卑所居在此
所思在彼世豈有越跬步而千里駕晷刻而千
歲者乎域吾心於規矩準繩之內而心始專放
其心於鴻鵠弓繳之外而心不專必將履其事
者責加於其身而得失憂虞迫於其外操心危
慮患深必不能舍正而趨蹊違利而就害必不
能假人思爲我思人亦不能以彼思代吾思必
不能恃試思爲已思淫過思爲得思此思與此
位適相脗合然後知其所止而稱乎其位何也

位以內不盡分者何限而人精神才力有窮不從苦心過鬼神亦不能通也夜以繼日猶恐失之尚安能溢於其外乎凡出位之思或以好大或以驚遠妄意名高以示能兼卒之與愚憒憒慢不思者等爲已謀則危殆爲人謀則不忠洋洋乎若竒而捕風捉影汎汎乎亡有不惟敗事抑亦謬理究至位內位外兩成錯誤惟通於此者爲能達於彼而兼內與外兩舉之者也

初六艮其趾无咎利永貞象曰艮其趾未失正也事之當止者於其始而止之可也中道而止无

及矣初六陰柔懼其始於止而終於不能止也
故戒以利永貞

六二艮其腓不掇其隨其心不快象曰不掇其隨

未退聽也

承也 掇音拯

以咸之例例之則初趾也二腓也三股也四心
也四爲隨百骸之所隨也心欲行則腓先動腓
最難止者而止之則其止甚矣夫初可以止而
二涉用事之時不可以止止則心之所之孰其
承之焉有心而能退聽於腓乎故曰不快

九三艮其限列其夤厲薰心象曰艮其限危薰心

也真引

限者身上下之際腰胯也此而止之則俯仰爲
艱屈伸胡待上下判爲二物若列純其質者雖
有膂力无所用之艱蹇困其天忿畏焚其和厲
薰心矣徒止之害如此善事心者時之而可

六四艮其身无咎象曰艮其身止諸躬也

不言艮其心而言艮其身艮其身則艮其心之
至者也知艮其身之不可則知艮其心之不可
安在其神變化而入聖賢止諸躬而已不能及
遠

六五艮其輔言有序悔亡象曰艮其輔以中正也
高宗三年不言一言而殷道興威王三年不鳴
一鳴而齊國驚皆非偶然而已不然則臨朝淵
默尊嚴若神者亦可謂賢主矣

上九敦艮吉象曰敦艮之吉以厚終也

上九艮主而居民終止之至堅者也敦篤實也
官怠於宣成志驕於意得學落於氣衰交攜於
白首晚節末路其難久矣厚於終止於至善所
以吉也敦臨敦復皆坤象艮山乃坤土而隆其
上者也故亦象敦凡上爻除井鼎外鮮吉惟艮

在上體者八皆言嘗統論之卦言艮其背不言
艮其心艮其背者艮其心之極也六爻不言艮
心而皆關於心艮其趾戒妄動也以其初故曰
未失正非予之也未失而已二當有為之時不
可艮矣腓不揅心而欲心退聽於腓乎此以止
一腓而移其病於心者也三當限處所以為屈
伸者此而止之不快尤甚又以止一限而移其
病於心者也四當心處而第言艮身身且艮焉
心可知矣无咎與彖辭同故曰止諸躬不能及
天下國家五所謂夫人不言言必有中者或謂

不能止心而能止其言故悔可亡夫安有不止
於心而能止於言者哉不稱有序矣上六而稱
敦艮非與其艮之極與其極而能動時行時止
也故曰厚終咸主於感六爻每戒其妄動艮主
於止六爻每戒其過靜

䷳ 艮下
巽上

漸女歸吉利貞

漸者進以序而不迫之義巽女在外將入而未
歸艮男在內方止而未進有女歸以漸之象聘
則為妻奔則為妾自納采問名納吉納徵請期

親迎六禮備而後婚女歸之漸如此胡氏曰咸
取女吉取者之占也漸女歸吉嫁者之占也然
皆以艮為主艮止也止而悅則其感以正為取
女之吉止而巽則其進以正為女歸之吉

彖曰漸之進也女歸吉也

下體一陽以艮進上體二陽以巽進皆漸之義
進得位往有功也進以正可以正邦也其位剛得
中也止而巽動不窮也

進得位者自二至五用事之爻位皆得正故可
正邦而有功剛得中謂九五也諸爻之正亦可

謂得位矣。未若五之得尊位。故特言之。昏釋利貞之義。止於下而巽於上。漸孰甚焉。其動何窮。總釋卦爻之義。

象曰：山上有木，漸。君子以居賢德，善俗。

最漸者无過於木。不能握而長居。賢德以善俗。豈一日之力哉。居賢德。集衆正也。

初六：鴻漸于干。小子厲。有言。无咎。象曰：小子之厲。義无咎也。

鴻陽鳥而水居。木落南翔。冰泮北徂。志在千里。而往來有時。飛則長在前。幼在後。鳴聲相呼。其

止巽不窮之義而以漸往者惟鴻有焉。六爻取象亦自下而漸上云。干水湄也。漸于干則在下之象也。鴻鵠未舉近人而易侮厲始无咎。

六二鴻漸于磐飲食衎衎吉。象曰飲食衎衎不素飽也。衎反

鴻食呼衆而和鳴漸磐則進於干離人群矣。故飲食衎衎而和樂矣。象言不素飽又彰其德也。二柔順中正而上有九五之應故有此象占。

九三鴻漸於陸夫征不復婦孕不育凶利禦寇象曰夫征不復離群醜也。婦孕不育失其道也。利用。

禦寇順相保也

離去聲

陸平原也去磐而漸於陸進則進矣而不能安
非水鳥之所宜居也三无應而親四四无應而
奔三三務進而妄動故征則不可還四失守而
私交故孕則不敢育凶莫甚焉惟以此剛而禦
寇利耳三四兩爻巽艮之主也卦稱女歸吉而
此言凶者卦以兩體論巽女可以歸艮男而爻
貴正應四女不可以歸三男也利禦寇者以為
聚保故也蓋夫婦貴應而禦寇則乘承亦可占
法也

六四鴻漸于木或得其桷无咎象曰或得其桷順以巽也

四以陰柔而進據三陽之上三能安為之下乎三不安而四能安乎故如鴻之漸于木鴻趾連而不能握枝非木棲者也桷平柯也得平柯亦可少安矣因有順巽之德或得安寧之道也

九五鴻漸于陵婦三歲不孕終莫之勝吉象曰終莫之勝吉得所願也

陵高阜也漸陸者尚失所居而況於漸陵乎三之婦孕而不育而五之婦則歸而不孕或間之

故也然正應也漸必不窮也終諧其所願欲特徐之耳二應五而為三所間故云

上九鴻漸于陸其羽可用為儀吉象曰其羽可用為儀吉不可亂也

陸宜作達

達雲路也高飛之翮長者在前往故曰可用為儀儀則群羽皆有序矣安得而亂之

三三

震上

歸妹征凶无攸利

彖曰歸妹天地之大義也天地不交而萬物不興歸妹人之終始也

萬物之所以終而復始者天地交也人之所以終而復始者男女交也故曰大義

說以動所歸妹也征凶位不當也无攸利柔乘剛也

說音悅

妹少女之稱先儒以爲姪娣云以少女歸長男未爲害惟說以動乃不佳卦之稱歸妹以此位不當者自二至五皆不得正柔乘剛者下體三乘初二之剛上體五上乘四之剛蘇子曰歸妹之交男女皆易位柔皆乘剛此男所以說女而致其情者權以濟事一用而止可也以此而征

則凶且男女皆不利也

象曰澤上有雷歸妹君子以永終知敝

夫長男之與少女偕也而能終乎君子謀其難終當慎其始取適於目前也而他日之患滋多記曰君子道人以言而禁人以行故言必慮其所終而行必稽其所敝哀公問於孔子曰冕而親迎不已重乎孔子對曰合二姓之好以繼先聖之後以爲天地宗廟社稷之主君何謂已重乎天地不合萬物不生大昏萬世之嗣也冕而親迎親之也君子與敬爲親舍敬是遺親也弗

愛不親弗敬不正愛與敬其政之本與此漸之
所以為女歸吉而歸妹之所以與漸反也

初九歸妹以娣跛能履征吉象曰歸妹以娣以恒
也跛能履吉相承也

九二眇能視利幽人之貞象曰利幽人之貞未變
常也

蘇子曰歸妹以陰為君在兌則六三是也而初
與二其娣也在震則六五是也而四其娣也所
以為兌者三也故權在君所以為震者四也故
權在娣權之在君也則君雖不才而娣常為之

用權之在娣也則娣雖无能爲損益猶要其君
六三不中而居非其位跛眇者也其所以能履
且視者以初與二屈而爲之娣也二者各致其
能於六三故初九曰歸妹以娣跛能履征吉九
二曰眇能視利幽人之貞已有能履能視之才
不以自行安爲之娣使跛者得之以征眇者得
之以視豈非上下之常分有不可易者邪故物
九之象曰歸妹以娣以恒也九二之象曰未變
常也九二亦娣也其不言娣何也因初九之辭
也且跛眇者一人而爲之視履者二人是二人

者豈可以廢一歟故其象曰跛能履吉相承也是以知其皆娣也已有其能而不自用使无能者享其名則九二非幽人而何哉

六三歸妹以湏反歸以娣象曰歸妹以湏未當也蘇子曰古者謂賤妾為湏故天文有湏女六三不知其託行於初九而自以為能履不知其借明於九二而自以為能視是以棄娣而用湏未足以當娣也失二娣之助則以跛眇見黜而歸矣歸然後知用娣故曰反歸以娣

九四歸妹愆期遲歸有時象曰愆期之志有待而

行也

蘇子曰九四六五之娣也以為權在已故愆期不行以要其君君猶待之有時焉而後歸此其志以為吾君必有所待而後能行者也

六五帝乙歸妹其君之袂不如其娣之袂良月幾望吉象曰帝乙歸妹不如其娣之袂良也其位在中以貴行也

婦人之性未有不妬者帝乙之妹歸而使其娣之袂良於已此非跛且眇而托之於娣也能用其娣故也以位則君娣所不敢加以德則中娣

所不能加故曰月幾望又曰以貴行若无以用其娣而娣橫加之欲不妬者亡有蓋四以才勝而五以德勝矣

上六女承筐无實士刲羊无血无攸利象曰上六

无實承虛筐也

刲苦圭反

娶婦以承宗廟祭祀也上六无應所求不獲女承筐无實未嘗承也士刲羊无血未嘗刲也虛有其名耳曷利焉彖所謂征凶象所謂永終知敝者此矣或曰約婚不終之象不必不終即嫁于非利秦穆姬占之矣或曰承筐无實食不續之

蠶也剗羊无血用已死之牲也

易學卷七